



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Daniel Proph. 21. Iulii.

urn:nbn:de:hbz:466:1-44055

phæum posuerunt Crucem mirè splendentem , & è cujus apice columba solatia dedit & omnibus vulneribus medicinam. Triumphum hunc pri-
mum ornarunt XV.millia hominum in libertatem Christianam è Deorum servitute asserta. Non multò pòst iterum pugnatum , & in triumphum ducti ignis & aqua. Nam & faces ardentes pectori admotas in sancti amoris flamas , & aquas , in quas abjecta erat,in baptismum vertit D E U S . Iterum ergo triumphanti columba illa divina palam coronam imposuit. Invidit Olybrius , & caput laureatum gladio abstulit. Sed imprudens alteram coronam adjecit. Ex Surio & Lippelvo.

*Diabolica temptationis tibi proponuntur exempla , ut
& ipse contra hostis callidi deceptoris insidias solerter
evigiles , & dum te delectat aliorum audire victorias,
ipse te per languidi corporis ignoriam non remittas.
S.Pet.Dam.l.6.Ep.21.*

S. DANIEL PROPH. 21. Iulii.

A Gite Mariani, si virtutis ardua, si resqua piget calcare, ecce ille magnorum regum vates, ille leonum & adeo Deorum domitor per pomaria illuc vos ducet. vos modò ne oculos otiosos afferre, sed obambulando ipsum pudicitiae florem Susannam spectate. Anne videtis, uti nec formæ decor, nec locus solus, nec blanditiæ minæve hunc possint decerpere ? nempe sola non fuit, quæ secum in oculis ubique Numen circumtulit. Certè hoc suis in oculis Susannā tulit. Etenim, agite modò capita scelestæ , eja populum in vestram perniciem cogite , accusate innocentiam damnandi à puerō senes. Et, quid tu ais ? scelus. ubi facinus patratum ? sub schino. euge ! & tu Orci silicernium, ubi ?

ubi? sub *prino.* papæ! neque mentiri seitè didicistis.
Io! Innocentia triumpha. nunquam patrono cares.
 At vos capulares Veneris columbos jam lapidantum manus palpabunt. quid saxa, quid moras trahitis? obruite eja improbas Cupidinis victimas.
 Epitaphium ego dabo. *Svb SAXIS AMOR HIS IACET SEPVLTVS.* Ex *Dan. ipso.*

Differunt quidem inter se homo pudicus & Angelus, sed felicitate, non virtute: illius castitas felicior, hujus tamen fortior esse cognoscitur; sola est castitas, que in hoc mortalitatis loco & tempore statum quendam immortalis gloriae representat. S.Bern.ep.42.

S. DANIEL ABB. 21.Iulii.

Impetraverat à Deo DANIEL hæredem viro, quocum illi hospitii familiaritas intercesserat. Itaque hic eum patronum, at malevoli patrem etiam pueri vocabant. Sed pro innocentia pronuntiavit Innocentia altera. Infans nuper natus, qui jussus à DANIEL patrem palam edicere, dito in verum parentem conjecto, *hic, ajebat, pater meus est,* atque ita simul patronum suum absolvit, simul calumniatores improbos damnavit. Sub hæc cum DANIEL Eulogium latomum cerneret in egentes præ aliis pius, precari apud Deum institit, plures opes submitteret tam bene prodigo. Et annuere Deus est visus, si pro Eulogio spondet, divitias fraudi morum integratati non futuras. Convenit, spopondit DANIEL. Igitur Eulogius cum saxis thesaurum eruit, ad aulam abit, honores mercatur, struit palatia, emit mancipia, splendidè ac lautè victitat. Adebat DANIEL officii sui amicum commonefacturus, sed surdam ad pauperis vocem januam reperit, verberibus

pro